

立借銀字人北投社番業主烏目。有承祖父遺下大租粟式石捌斗伍升六合，坐落土名址在北投大埔洋。今因乏銀費用，托中向就與佃人謝傳省身邊借出佛面銀拾壹大圓正，銀即日全中交收足訖。三面言約每員銀全年貼利息粟式斗伍升，計共利息粟式石柒斗伍升，歷年割單扣抵完納，不敢異言滋事。保此租係烏目自己之租，與別番人亦無干。此係干愿，並無抑勒反悔。口恐無憑，今欲有憑，立借銀字壹紙，付執為炤。

即日全中收過借字內佛銀壹拾壹大員正完足。再炤。

依口代筆 張明俊

為中人 陳載正

知見

道光貳拾叁年拾月

日立借銀字人北投社番業主烏目

